

SUD BOSNE I HERCEGOVINE
- Sudiji za prethodno saslušanje -

Tužilaštvo - Tužiteljstvo Bosne i Hercegovine, ul. Kraljice Jelene br.88, Sarajevo;
Telefon: ++ 387 33 707 200; Fax ++ 387 33 707 463; e-mail: info@tuzilastvobih.gov.ba

- propuštanjem dužnosti nadzora nad radom S. B. - Z., koja je od 15.11.2006. godine postupala kao daktilograf, od 17.07.2008. godine kao viši referent - daktilograf, a od 20.05.2011. godine kao referent specijalist - daktilograf u Tužilaštvu BiH, raspoređena za rad tužiocu, a kasnije i Rukovodiocu POOK-a i Zamjeniku Glavnog tužioca Boži Mihajloviću, pri čemu je Božo Mihajlović, prema funkciji koju je obavljao, okolnosti da mu je dodijeljena za rad na njegovim predmetima, ovlaštenjima i obavezama propisanim u Zakonu o krivičnom postupku Bosne i Hercegovine i prema odredbama čl. 29, 31. i 33. u vezi sa članom 47. tačka 7. i članom 56. Pravilnika o unutarnjoj organizaciji i poslovanju Tužilaštva BiH br. A.301/03 od 06.11.2003. godine, odnosno čl. 34. tačka a) i 37. tačka a) u vezi sa članom 47. tačka h) i i) Pravilnika o unutrašnjoj organizaciji Tužilaštva BiH od 31.03.2010. godine („Sl. Glasnik BiH“ br. 31/10), zatim čl. 5. tač. b) i c), 11 i 36. tač. a) i Pravilnika o unutrašnjoj organizaciji Tužilaštva BiH od 23.04.2013. godine („Sl. Glasnik BiH“ br. 36/13, 16/14 i 96/15) i odredbama čl. 5. Kodeksa tužilačke etike,¹ sve u vezi sa odredbama člana 57. tačke 8., 9. i 23. Zakona o Visokom sudskom i tužilačkom vijeću BiH, bio dužan da vrši nadzor nad njenim radom i postupanjem u predmetima koji su mu dodijeljeni u rad, kao i da nadzire stanje u predmetima koji su mu dodijeljeni u rad, pa je usljed takvog kršenja zakonskih odredaba i propuštanja dužnosti nadzora omogućio S. B. - Z. da radi sticanja protivpravne imovinske koristi prisvoji privremeno oduzeti novac iz predmeta Tužilaštva BiH koji mu je bio dodijeljen u rad, tako što je:

U predmetu Tužilaštva BiH broj [REDAKTOVAN], koji je naknadno dobio broj [REDAKTOVAN], Božo Mihajlović kao postupajući tužilac kojem je predmet dodijeljen u rad, nakon što su u pretresima noćnog bara [REDAKTOVAN], drugih prostorija i osoba, izvršenim po Naredbi Suda BiH [REDAKTOVAN] od 05.04.2007. godine, privremeno oduzeti predmeti koje je Policija Brčko Distrikta dostavila Sudu BiH upakovane, zapečaćene i potpisane u 47 bijelih vreća i 3 paketa, među kojima se nalazio i novac privremeno oduzet od [REDAKTOVAN] u iznosu od 660,00 EUR, 630,00 USD i 6,00 KM, od [REDAKTOVAN] u iznosu od 655,00 EUR 577,00 KM, 100,00 SRD i 100,00 HRK, te od [REDAKTOVAN] u iznosu od 200,00 EUR i 370,00 KM, svjesno prekršio odredbu člana 71. stav 2. i člana 151. stav 1. ZKPBIH tako što je dana 16.05.2007. godine u prostorijama Suda BiH izvršio otvaranje i pregled dvije zapečaćene vreće sa dokazima i to vreće na oznakom: „Dokazi“ i vreće sa oznakom: „[REDAKTOVAN]“ bez obavještanja osobe od koje su predmeti oduzeti, sudije za prethodni postupak i branitelja i bez sastavljanja zapisnika o tome, a zatim dana 09.06.2007. godine od Suda BiH zatražio dostavu otvorene vreće sa privremeno oduzetim predmetima na kojoj je stajao natpis: „Dokazi“ a u kojoj se nalazio i pomenuti privremeno oduzeti novac od [REDAKTOVAN] i [REDAKTOVAN], nakon čega je Sud BiH traženu vreću dostavio Tužilaštvu BiH dana 11.06.2007. godine, a Božo Mihajlović propustio vršiti dužnost nadzora nad radom i postupcima S. B. - Z., koja je, usljed nepostojanja nadzora nad njom i na način na koji je izvršeno otvaranje pomenute vreće sa dokazima, u periodu od 11.06.2007. godine do 21.01.2009. godine, do kada se pomenuta vreća sa privremeno oduzetim predmetima nalazila u kancelariji tužioca Bože Mihajlovića, iskoristila navedene okolnosti i prisvojila privremeno oduzeti novac od [REDAKTOVAN] u iznosu od 660,00 EUR i 600 USD, od [REDAKTOVAN] u iznosu od 655,00 EUR 556,00 KM i 100,00 RSD i [REDAKTOVAN] u iznosu od 200,00 EUR i 350,00 KM, pribavivši sebi protivpravnu imovinsku korist u navedenim iznosima, a zatim vreću sa oznakom „DOKAZI“ radi prikrivanja sakrila među deponovane stvari u predmetu KDP-4/09, da bi Božo Mihajlović dana 24.12.2015. godine donio Naredbu o neprovođenju istrage protiv osumnjičenog [REDAKTOVAN] i Naredbu o neprovođenju istrage protiv osumnjičenih [REDAKTOVAN], [REDAKTOVAN], [REDAKTOVAN], [REDAKTOVAN], [REDAKTOVAN] i [REDAKTOVAN], pri čemu, prekršivši odredbe člana 224. stav 2. i člana 74. ZKPBIH, sve do njegove suspenzije dana 10.03.2017. godine, nije izvršio svoju zakonsku obavezu da o obustavi istrage obavjesti osumnjičene, obzirom da su isti bili ispitani u toku istrage, te da vrati privremeno oduzeti novac od [REDAKTOVAN] i [REDAKTOVAN] ili da Sudu predloži njegovo trajno oduzimanje u smislu člana 391. ZKPBIH, usljed čega je S. B. - Z. bila u mogućnosti prisvojiti i zadržati prisvojeni novac na opisani način bez da bude otkriveno njeno nezakonito postupanje, a da za čitavo vrijeme od kada je Sud BiH dostavio vreću sa privremeno oduzetim predmetima, među kojima je bio i privremeno oduzeti novac, nije provjeravao stanje istog,

¹ „Službeni glasnik BiH“ broj 13/06

pri čemu je Božo Mihajlović svjesno i voljno preduzimao gore opisane radnje kršenja odredaba zakona i drugih propisa, te svjesno i voljno propuštao vršiti dužnost nadzora nad postupanjem S. B. Z. na opisani način u predmetu koji mu je dodjeljen u rad, iako je pri tome bio svjestan da usljed njegovog kršenja odredaba zakona i drugih propisa i propuštanja dužnosti nadzora S. B. Z. može prisvojiti privremeno oduzeti novac iz gore navedenog predmeta Tužilaštva BiH, ali je olako držao da toga neće doći ili da će on to moći spriječiti, da bi se desilo upravo suprotno da je S. B. Z. prisvojila privremeno oduzeti novac na gore opisani način, pri čemu joj je opisano kršenje odredaba zakona i drugih propisa i propuštanje dužnosti nadzora od strane Bože Mihajlovića omogućilo i zadržavanje prisvojenog novca bez da bude otkriveno njeno nezakonitno postupanje, usljed čega je nastupila teža povreda prava osoba od kojih je novac bio privremeno oduzet u smislu realizacije prava na brz i efikasan povrat, te imovinska šteta za Bosnu i Hercegovinu u ukupnom iznosu od 1.515,00 EUR, 906,00 KM, 600,00 USD i 100,00 RSD.

Dakle, kao službena osoba svjesnim kršenjem zakona i drugih propisa i propuštanjem dužnosti nadzora očigledno nesavjesno postupio u vršenju dužnosti usljed čega je nastupila teža povreda prava drugog i imovinska šteta u iznosu od preko 1.000,00 KM,

čime bi počinio krivično djelo Nesavjestan rad u službi iz člana 224. stav 1. Krivičnog zakona Bosne i Hercegovine.

**TUŽILAC
TUŽILAŠTVA/TUŽITELJSTVA BIH**